

49

10. apríl

5. gr.
Fyrir heimilishjálp samkvæmt reglugerð þessari og reglum, sem bæjarráð setur þar um, skal sá er hjálpar nýtur greiða kr. 35.00 á dag, auk þess skal hjálparstúlka fá ókeypis fæði á vinnustað.

Heimilt er bæjarráði að setja nánari reglur um greiðslu, innheimtu og annað, er hún telur máli skipta í þessu efni.

Bæjarráð getur veitt eftirgjöf á greiðslu fyrir heimilishjálp að nokkru eða öllu leyti að fengnum tillögum forstöðukonu heimilishjálparinnar.

6. gr.

Skrifstofa Akureyrarkaupstaðar annast bókhald og fjárreiður heimilishjálparinnar og skulu reikningar heimilishjálparinnar endurskoðast árlega með sama hætti og reikningar bæjarsjóðs.

7. gr.

Forstöðukona heimilishjálparinnar lætur bæjarráði árlega í té skýrslu um starfsemina undanfarandi ár.

8. gr.

Sá halli, sem verður af heimilishjálp, sem veitt er samkvæmt reglugerð þessari og lögum um heimilishjálp í viðlögum, greiðist að $\frac{1}{3}$ úr ríkissjóði og $\frac{2}{3}$ úr bæjar-sjóði.

Reglugerð þessi, sem bæjarstjórn Akureyrar hefur samið og samþykkt samkvæmt lögum nr. 10 25. janúar 1952 um heimilishjálp í viðlögum staðfestist hér með til þess að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 10. apríl 1959.

Friðjón Skarphéðinsson.

Jón S. Ólafsson.

50

14. apríl

REGLUGERÐ

um launakjör á símastöðvum og póstafrageiðslum.

1. gr.

Samkvæmt 18. gr. laga nr. 92/1955, um laun starfsmanna ríkisins, og 8. gr. laga nr. 8/1935, um sameiningu pósts og síma, er hér með sett eftirfarandi reglugerð um launakjör á símastöðvum og póstafrageiðslum, sem ekki eru sérstaklega tilgreindar í launalögum.

2. gr.

Stöðvarstjórar pósts og síma á eftirgreindum stöðvum hafa árslaun, sem hér segir:

VIII. launafl.: Póst- og símastöðvar: Akranes, Blönduós, Borgarnes, Húsavík, Keflavík, Neskaupstaður, Sauðárkrókur, Selfoss og Stykkishólmur.
Póststöðvar: Hafnarfjörður.

IX. launafl.: Póst- og símastöðvar: Bolungavík, Brúarland, Dalvík, Egilsstaðir, Eskifjörður, Hveragerði, Hvolsvöllur, Ólafsfjörður, Raufarhöfn, Reyðarfjörður, Sandgerði og Þingeyri.
Símastöðvar: Höfn og Patreksfjörður.
Póststöðvar: Höfn og Patreksfjörður.

- X. launafll.: Póst- og símastöðvar: Bildudalur, Búðardalur, Eyrarbakki, Fá- 50
skrúðsfjörður, Grafarnes, Grindavík, Hofsó, Hólmavík, Sandur, 14. apríl
Skagaströnd, Stokkseyri, Suðureyri, Vopnafjörður og Þórshöfn.
Símastöðvar: Flateyri, Hvammstangi og Ólafsvík.
Póststöðvar: Flateyri.
- XI. launafll.: Póst- og símastöðvar: Gerðar, Kirkjubæjarklaustur, Kópasker og
Laugarvatn.
Símastöðvar: Hnífsdalur, Meiritunga og Vík.
Póststöðvar: Hvammstangi.

Ofan nefndir stöðvarstjórar skulu hafa sömu laun og réttindi og sömu skyldur og um getur í lögum nr. 38/1954. Þeir fá ekki aukagreiðslu fyrir störf, sem rétt er að telja til aðalstarfsins, sbr. 25. gr. laga nr. 92/1955, og ætlast er til að séu unnin í vinnutíma þeim, sem aðalstarfið er miðað við.

Greiðsla fyrir yfirvinnu kemur því aðeins til greina, að póst- og símamálastjórnin hafi talið hennar þörf og heimilað greiðslu fyrir hana.

3. gr.

Á þeim stöðvum, er um getur í 2. gr., þar sem aðstoðarfólk telst nauðsynlegt, ákveður póst- og símamálastjórnin fjölda þess og gefur föstum aðstoðarmönnum ráðningar- eða skipunarbréf. Þeir aðstoðarmenn, sem fullnægja sömu kröfum um undirbúningsmenntun og hæfni og fastráðnir starfsmenn ríkisins, er póst- og símamálastjórnin telur hliðstæða, skulu hafa sömu laun, réttindi og skyldur. Ef ekki fást aðstoðarmenn, sem fullnægja tilskildum kröfum, ákveður póst- og símamálastjórnin um laun, réttindi og skyldur annarra aðstoðarmanna.

4. gr.

Árspóknun stöðvarstjóra til reksturs pósts og síma á eftirtöldum stöðvum er sem hér segir:

- Kr. 30 000.00: Póst- og símastöðvar: Fosshóll, Hjalteyri, Hrísey, Króksfjarðarnes, Reykholt, Svignaskarð og Torfastaðir.
Póststöðvar: Ólafsvík.
- Kr. 27 000.00: Póst- og símastöðvar: Arnarstapi (Mýras.), Borgarfjörður, Breiðdalsvík, Eiðar, Grenivík, Síðumúli, Skútustaðir, Staðarhóll, Súðavík, Svalbarðseyri og Varmahlíð (Skagaf.).
Símastöðvar: Ásgarður (Grímsnesi), Breiðamýri, Djúpvogur, Galtafell, Hvanneyri og Munkaþverá.
- Kr. 24 000.00: Póst- og símastöðvar: Ásar (Gnúpverjarnes), Bakkafjörður, Bægisá, Drangnes, Fossvellir, Hafnir, Húsatóftir, Minniborg, Skarðshlíð, Skógar, Sveinseyri, Þorlákshöfn og Þykkvibær.
Símastöðvar: Gaulverjabær og Mælifell.
- Kr. 21 000.00: Póst- og símastöðvar: Ás í Vatnsdal, Bólstaðarhlíð, Lindarbrekka, Skarð, Stóru-Akrar og Villingaholt.
Símastöðvar: Hjarðarfell og Stöðvarfjörður.
Póststöðvar: Djúpvogur, Vík og Einarstaðir.
- Kr. 18 000.00: Póst- og símastöðvar: Ásgarður (Dalas.), Hallormsstaður, Ingólfsfjörður, Seljaland og Staðarfell.
Símastöðvar: Bessastaðir, Haganesvík, Hnausar og Varmahlíð (undir Eyjafj.).
Póststöðvar: Haganesvík og Stöðvarfjörður.

- 50 Stöðvarstjórar á stöðvum, sem taldar eru í þessari grein, teljast ekki fastráðnir
 14. apríl starfsmenn ríkisins, en orlofsfé greiðist á ársþóknunina.
 Aðstoð vegna forfalla er innifalin í ársþóknuninni.

5. gr.

Á þeim stöðvum, sem taldar eru í 4. gr., má setja það sem skilyrði fyrir ráðningu stöðvarstjóra, að hann sjái fyrir húsnæði, ljósi, hita og ræstingu fyrir rekstur stöðvarinnar gegn hæfilegri greiðslu. Náist ekki samkomulag um greiðsluna, geta aðilar skotið málinu til yfirskattaneftndar. Sami háttur skal hafður á um mat slíkra greiðslna, þótt um stöðvar sé að ræða, sem taldar eru í 2. gr., ef stöðvarstjóri hefur fallizt á að láta húsnæði á leigu fyrir reksturinn.

Á stöðvum, þar sem stöðvarstjóri hefur átt kost á að fá íbúð í húsi, sem er eign pósts og síma, skal leigan metin af yfirskattaneftnd, og hann skal greiða ljós og hita hlutfallslega við stofnunina eftir mati póst- og símamálastjórnarinnar, ef sérmaelum fyrir það verður ekki komið við.

Mati yfirskattaneftndar má í báðum tilfellum skjóta til ríkisskattaneftndar.

6. gr.

Þóknun fyrir rekstur 3. fl. símstöðva sé, sem hér segir:

1. Föst ársþóknun kr. 1400.00.
2. Kr. 2.00 fyrir hvert útfarið viðtalsbil í símtölum og hvert útfarið símskeyti, og eru þjónustusímtöl og -skeyti og veðurskeyti þá ekki meðtalin.
3. Fyrir hvern simnotanda kr. 60.00 á ári.

Í ofanefndri heildarþóknun samkvæmt 1., 2. og 3. lið er innifalin greiðsla fyrir húsnæði, ljós, hita og ræstingu, orlof og forföll.

Ef þjónustutími einstakra 3. fl. símstöðva er lengdur eitthvað vegna mikils viðskiptamagns, hækkar þóknun samkvæmt 1. og 3. lið.

7. gr.

Á laun og rekstrarþóknun samkvæmt þessari reglugerð, sem er miðuð við grunnlaun 1. jan. 1959, greiðast uppþætur eftir sömu reglum og á laun opinberra starfsmanna, er fylgja launalagaflokkum.

8. gr.

Póst- og símamálastjórnin setur nánari ákvæði um rekstur ofanefndra stöðva, eftir því sem nauðsynlegt þykir. Hún ákveður og um rekstrarþóknun á öðrum stöðvum en að framan eru taldar.

9. gr.

Reglugerð þessa skal endurskoða eftir 3 ár með útgáfu nýrrar reglugerðar, er ráðherra setur að fengnum tillögum póst- og símamálastjórnarinnar, sbr. 18. gr. laga nr. 92/1955.

Við endurskoðun reglugerðarinnar skal, sbr. 24. gr. laga nr. 92/1955, gefa Bandalagi starfsmanna ríkis og bæja kost á að fylgjast með og fjalla fyrir hönd félagsmanna sinna um ágreiningsatriði þau, sem upp kunna að koma.

Verði verulegar breytingar á starfsskilyrðum nefndra stöðva eða nauðsynlegt sé að stofna nýjar stöðvar á milli þess, að heildarendurskoðun reglugerðarinnar er framkvæmd, ákveður póst- og símamálastjórnin til bráðabirgða starfsmannahald, launaflokkun og því um líkt.

10. gr.

50

Reglugerð þessi gildir frá 1. janúar 1959 og fellur þá úr gildi reglugerð um sama efni frá 24. maí 1956. 14. apríl

Póst- og simamálaráðherrann, 14. apríl 1959.

Emil Jónsson.

G. Briem.

REGLUGERÐ

51

um breyting á reglugerð nr. 19/1949, um flutningsrétt á ritverkum og tónsmíðum. 10. apríl

1. gr.

2. gr. reglugerðarinnar orðist þannig:

Um höfundagreiðslur útvarpsstöðva fyrir flutningsrétt hugverka skulu þó gilda þau ákvæði, að takist ekki samningar milli heildarsamtaka höfunda og útvarpsstöðva, skal gerðardómur skipaður einum hæstaréttardómara tilnefndum af Hæstarétti, sem jafnframt skal vera formaður dómsins, einum tilnefndum af hlutaðeigandi samtökum og einum tilnefndum af menntamálaráðuneytinu, skera til fullnaðar úr ágreiningi. Fulltrúar ráðuneytisins og höfundasamtakanna skulu vera embættisgengir lögfræðingar. Formaður dómsins setur dóminum starfsreglur, sem ráðuneytið staðfestir.

Áður en lagður er á úrskurður, skal gerðardómurinn gefa aðilum kost á að skýra sjónarmið sín fyrir dóminum.

2. gr.

Reglugerð þessi er sett samkvæmt heimild í lögum nr. 49/1943 og öðlast þegar gildi.

Menntamálaráðuneytið, 10. apríl 1959.

Gylfi P. Gíslason.

Knútur Hallsson.

Staðfesting forsetans á skipulagsskrá fyrir Minningarsjóð Tómasar Jóhannssonar, útgefin á venjulegan hátt að mandatum af dómsmálaráðherra 17. apríl 1959. 17. apríl

Skipulagsskráin er þannig:

SKIPULAGSSKRÁ

fyrir Minningarsjóð Tómasar Jóhannssonar.

1. gr.

Sjóðurinn heitir Minningarsjóður Tómasar Jóhannssonar.

2. gr.

Sjóðurinn er gefinn af nemendum Tómasar Jóhannssonar, er eign bændaskólans á Hólum og skal vera undir stjórn skólastjóra og íþróttakennara.